

## Geburtstag

Text: Jacob Stüchelberger  
Musik: Trad.

Zum Ge - burts-tag vo dir sött i dir gra-tu - lie - -re - -  
 9 chum mir göh y - ne Beitz chum i la - - de - di y  
 Am Am Dm7  
 für dä A-lass mues i dänk es Flä - - schli spen - die - re  
 25 und de erscht non es Lied - - li für di kom-po - nie - re  
 G G7  
 33 doch i schi-cke mi dry my Ge - burts-tag isch gly  
 D7 G7 C  
 41 doch i schi-cke mi dry my Ge - burts-tag isch gly  
 D7 G7 C

1. Zum Geburtstag vo dir  
sött i dir gratuliere  
chum mir göh yne Beitz  
chum i lade di y  
für dä Alass mues i dänk  
es Fläschli spendiere  
und de erscht non es Liedli  
für di komponiere

doch i schicke mi dry -  
my Geburtstag isch gly  
doch i schicke mi dry  
my Geburtstag isch gly

2. Zum Geburtstag vo dir  
sött i dir öppis schänke  
doch muesch wüsse das  
reut mi de scho grad e chly  
sones Geschänk choscht e hufe  
darf gar nid dra dänke  
das es leider scho morn tuesch  
im Ghüder versänke

doch i schicke mi dry -  
my Geburtstag isch gly  
doch i schicke mi dry  
my Geburtstag isch gly

3. Zum Geburtstag vo dir  
hets im Chranz wo dir winde  
hufe gschwulleni Wort  
bild dir ja nüt druf y  
wen di loben und pryse  
vo vornen und hinde  
weisch du sälber genau  
das i alles erfinde

aber schick di doch dry -  
my Geburtstag isch gly  
aber schick di doch dry  
my Geburtstag isch gly

4. Am Geburtstag vo dir  
s'isch so rüerend dys Schmunzle  
wen dii frage: säg was isch  
dys Gheimnis derby?  
wen di frage: warum hesch du gar  
keni Runzle? -  
doch im Spiegel gsehsch nüt als  
e gschrumpfleti Pfunzle

aber schick di doch dry -  
my Geburtstag isch gly  
aber schicksch di doch dry  
my Geburtstag isch gly

5. Am Geburtstag vo mir  
oh wi lieb hesch du klunge  
wo du gseit hesch i müess  
es Naturwunder sy  
den i mir stecki d'Chraft und dr Saft  
vomne Junge  
und i heigi so süess wien  
e Nachtigall gsunge

doch i schicke mi dry -  
dy Geburtstag isch gly  
doch i schicke mi dry  
dy Geburtstag isch gly